



## KERATAN AKHBAR

### 5 February 2016

Akhbar	:	Berita Harian
Tajuk Berita	:	Syarat baharu LPHS beban pembeli
Muka Surat	:	12

# Syarat baharu LPHS beban pembeli

**Shah Alam:** Pelbagai syarat baharu yang dikenakan Lembaga Perumahan dan Harta Selangor (LPHS) untuk pemohon rumah mampu milik di negeri ini, dilihat semakin membebani rakyat Selangor.

Terbaru, LPHS dikatakan mengenakan syarat bakal pembeli perlu merujuk status kewangan mereka di Bank Negara sama ada disenaraikan sebagai muflis atau sebaliknya, serta perlu menyediakan penyata Kumpulan Wang Sim-

panan Pekerja (KWSP).

#### Tanggungan tinggi

Presiden Kelab Harmoni Selangor (KHS), Dr V Sunder, ber kata kerajaan negeri perlu memikirkan cara terbaik bagi membolehkan rakyat membeli rumah dan bukannya membina dan menjual hartanah di luar kemampuan pembeli.

Katanya, berdasarkan aduan diterima, ada rumah yang harga asalnya hanya RM42,000 dinaikkan mence-

cah RM100,000 dengan alasan rumah itu kawasan bandar.

“Kebanyakan individu dewasa yang bekerja di Selangor berpendapatan RM4,000 sebulan dan hanya mampu membeli rumah berharga di bawah RM200,000.

“Bagaimanapun, mereka gagal mendapatkan kelulusan bank kerana kos tanggungan melebihi jumlah pendapatan sedia ada untuk membeli rumah berkenaan.

“Hasil kajian, sebanyak 80

peratus rumah mampu milik dibina di sekitar Selangor dan hanya 20 peratus sahaja terdiri daripada rumah kos rendah dan sederhana rendah yang benar-benar mampu dimiliki.

#### Tidak prihatin

“Sedangkan, lebih 50 peratus penduduk di negeri ini mempunyai jumlah pendapatan isi rumah kurang daripada RM4,000 sebulan.

“Ini sekali gus membuktikan kerajaan Selangor tidak memahami apa yang sebenarnya dimahukan oleh rakyat,” katanya pada sidang media, di sini, semalam.